



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

6 b Fridolinus Abt vnd Beichtiger.

urn:nbn:de:hbz:466:1-41449

phiret vnd gesiget / wie auch die Wunderzeichen bey seiner Kirchen vnd Hailthumb bezeugen.

Item zu Cesarea in Palestina / des heyligen Martirers Adriani / der auß befehl des Vogts Firmiliani / an ein Feyerlichen tag / die Haiden begtengen / einem Löwen ist fürgeworffen / vnd darnach mit dem Schwert gewürget / Das er sich wie ein lebendigs Opffer / Christo auffopfferte.

Item das leyden des heyligen Eusebij Palatini / vnd anderer neun Martirer / seiner Mitgesellen.

Item die begräbnuß des heyligen Eusebionensischen Bischoffs vnd Belchtigers Drausij.

Item noch zu Cesarea / des heyligen Bischoffs Theophili / der vnder dem Kayser Seuero in Weisheit Anno Dñi vnd Heyligkeit leuchtet / wie Sanct Hieronymus bezeuget. 200.

Item inn der Statt Niuernis des heyligen Bischoffs Wilhelmi / der nit allein ein grosser Liebhaber der Göttlichen Schrifften / sondern auch gegen den Armen so milt vnd freygebig war / daß er in grosser gemainer Landstheuerung / alle tag 2000. Menschen mit seinem Gelt vnd vnkosten ernöhrete.

b Pridienon. Martij.

Der VI. Tag im Merzen.

Nicomedia ist heut der Geburtstag der heyligen Martirer Victoris vnd Victorini / welche mit sampt Claudiano vnd seinem Weib Bassa / drey Jar lang vil Marter erlidten / vnd in der Gefengknuß den lauff ihres sterblichen lebens vollendet haben.

Item

Martius

Item in der Spanischen Statt Tholeto/die be-
gräbnuß des heyligen Bischoffs Juliani/ bey desselbi-
gen orts inwohnern/von wegen seiner Heyligkeit vnn-
d Tugenten/gar berhümpft.

Item zu Verthona in Longobardey / bey Vene-
dig/ daß leyden des heyligen Bischoffs vnd Märterers
Martiani/ zur zeit des Kayfers Troiani / diser haimfü-
chet in der Gefengnuß S. Secundinum / als er noch
ein haimlicher vngetauffter Christ war/vnnd ließ ihn zu
Mayland tauffen. Von disem heyligen Secundo wey-
ter am 30. dis Monats. Martianus aber/nach dem er
Anno Dñi auß der Gefengnuß geführt / vnnd glüende Blech am
130. Haupt oberstanden/ vnd also vnuerletzt bliben/ ward er
vnder dem Kayser Adriano enthauptet.

Item in Schotland des heiligen Bischoffs vnd
Beichtigers Baldredi.

Item zu Metz/des heyligen Bischoffs vnd Beich-
tigers Brodegandi.

Item auff dem Berg Carmelo des heyligen Prie-
sters Cyrilli/ Carmeliter Einsidels / welchem G O T/
als einem getrewen Freund / von dem zukünfftigen
Stand der Welt/ vil ding haimlich geoffenbaret hat.

Item zu Trier des H. Priesters Quiriaci.

Item des H. Abts vnd Beichtigers Fridolini/ zu
Seckingen begraben.

Item inn Griechenland der heiligen Märterer
Theodori/ Constantini/ Calixti/ Theophili/ vnnd an-
derer zu Moll 42. welche mit ihrem vergoffnen Blut die
himlische Kron erworben.

Item zu Gent / selige gedächtnuß der Kloster-
frawen Colete/ der fürerflichen ersten Reformirerin des
Ordens von S. Claren.

c Nonis